



中國第一華主教羅大司牧真容

諭旨 教皇本篤十五宣布普世之諭 Ad Beatissimi Apostolorum principis 漁人恭譯

本論文着頒發至與聖座敦睦及通問之可敬神兄輩。宗主教、領袖主教、總主教、主教、及有主教職權者。

本篤十五問諸位可敬神兄安好。并降以宗徒遐福。朕以無德無功。蒙上智天主之默運宏謀。陟此宗徒長之寶座。其宣召之聲。無異於當日我主基利斯督之召伯多祿也。謂之曰。牧我羔羊。牧我母羊。朕初承大統。立即矚目注視。託朕眷顧之羣羊。所謂羣羊者。屈指不可勝數。凡為普世人民者。各有理由。悉可包入羣羊範圍之中。蓋不拘何人。皆耶穌基利斯督傾流己之血價。以救出其於罪之奴籍。况衆人中。無一人可閉於救贖之恩之外者乎。以故人類中。有已為天牧圈入聖教會之羊棧內者。有將為催逼而入羊棧者。彼不云乎。尚有他羊。未入此棧。予當引令聽予聲。(若望十章十六節) 可敬神兄。朕有一言。不復隱於卿等之前。其一。朕蒙天主慈眷。朕心深覺切願救靈之熱愛。激切焚灼。若有迫不及待者。其二。當日朕御極受任時。一如耶穌昔日身荷十字。瀕死前向聖父曰。聖父。爾所付託於我者。懇因我名而存之。(若望十七章十一節)

然今初次由宗徒高位上。矚目一覽之下。見人事之變遷。及國民社會之可泣慘狀。朕不得不傷

心痛悼之至。朕爲衆民之父。本具慈父愛子之心。一見歐洲。及當今天下。橫遭生民以來未有之荼毒慘况。朕心能不爲之破裂者乎。基利斯督嘗云。汝等將聞戰爭。及戰爭之凶信駭聞。民與民國與國。將羣起而衝突。(瑪竇二十四章六節七節)此等時日。視若已屆。戰象兇險。陳列目前。甚至人心理想。莫不以戰事爲維一問題。蓋至富至強之國民。盡已稱戈戰鬪。國民與國民。軍事上既有最新奇最可駭之機械。何怪各國皆行酷虐兇暴。自相殘殺。以爲英雄見長。蹂躪及殺戮。毫無限止。戰地上日見鮮血橫流。日見負創垂斃之人。日見屍骸滿目。環視此等交戰人民。如是好勇鬪狠。將疑謂果否爲一祖所傳耶。果否爲同具人性耶。果否尙有人道主義存者耶。果否尙爲同胞兄弟。在天獨一之父。同爲彼等之父者耶。同時兩方面千百萬軍隊。各自憤怒力戰。於是國家之痛苦艱難。家庭之逆境禍患。個人之閉塞慘遇。莫不源源而來。影響相隨。以重壓我民。孀婦及孤兒之數。日漸增多。交通不便。生意停頓。野無耕夫。實業擱起。富者生計日窮。貧者不能自存。傷心慘目。萬國人民同坐愁城厄運之中。有如此者。

朕受命繼續。際此窘難叢集之秋。朕維一心一德。以先教皇之遺諭。奉爲章法。先教皇之聖德偉業。炳燦昭垂。至今口碑載道。具有人琴之慨。朕續述先志。重申遺諭。作爲朕登極頒詔之第一諭文焉。茲朕再三懇求秉國鈞之諸位君主元老等。請彼等細視戰禍之強逼人民。流血灑淚。若是其大且衆。曷不速籌弭禍之法。使人民得慶生全。各國早以玉帛相見。何樂如之。此爲朕日夜禱

祝者也。朕求慈善憫人之天主。宏施恩惠。救此蒼生。使救世主昔日誕生時空中所奏之樂章。復於朕登極之初。及早傳詠於普世。曰：良人受享太平於地。朕發此大聲疾呼。彼等操國政者。尙其側耳聽之。若敵國果有侵我權利之憑證。除借武力一戰。以解決外。尙有許多對待方法。以之彌縫補救者焉。朕意務祈兩方面先行息戰。各以文明忠信相加。至誠肝膽相投。不妨速爲一試。以觀究竟。未爲晚也。朕對於調停和平之舉。毫無權利私見。摺雜其內。實因朕懷愛天下各國人民。故不憚舌敝唇焦。出此警告天下之諭。朕之對於各國。莫不友愛相好。朕之對於人民。莫不以父母愛子之忱而懷愛之。朕心之如此表白。朕聲之如此哀鳴。或能感觸彼等之耳鼓否乎。然朕心所怒焉。傷悲者。嘆不獨今日之流血戰爭。爲人民困難獨一原因也。尙有一種禍毒業已深入社會之骨髓中。橫行氾濫。勢甚兇險。人之稍具智識者。莫不灼見之。而大生恐怖者焉。此禍毒之賊人害國。前古後今。無時或已。正可謂此戰爭之種子原因也。我聖教會中本有良好教規。美善教律。以之護衛國家。使之鎮定不搖。得享昇平幸福。溯自此等教規教律。於國家政府停止施行之後。國家政府。不得不大搖基礎。而人民之思想。社會之人倫。大相徑庭。大臻混亂。若非天主特別扶持。人民之社會問題。則早已剝削盡淨矣。職是之故。人與人交際聯絡之浹洽摯情。不復見存於世。長上之權利。藐視輕棄。國民社會與國民社會。作種種非禮之爭競。易朽之名利財產。貪求無厭。以爲舍此之外。並無更上更美之名利。

財產。以合於人羣社會之資格者焉。朕以爲以上四端禍惡。實爲當今大亂秩序之首原因也。固欲鎮定大局。扶助國家。臻於郅治盛世。必須竭力將此四大禍原。驅而出之國門之外。將公教之純正道理。提倡導入。然後可望有濟也。

魔鬼嫉人。毀敗平安之國。吾主基利斯督從天降下。欲復建築此國。其建築之基址。舍愛德而外。若無他物可代之者。爲此再三告人曰。余授爾新命。欲爾等須相親相愛。若望十三章二十四節。此乃新命。欲爾等相親相愛。若望十五章十二節。余命爾等相親相愛。若望十五章十七節。蓋以導人相親相愛。爲其惟一天職矣。彼欲達此目的。何事不肯爲耶。彼命我等仰視上天。曰。爾等獨有一在天之父。瑪竇廿三章九節。彼命衆人不分此疆彼界。不分語言文字。不分他種理由。其所口授我等之祈禱經文。天下皆同。曰。在天我等父者。瑪竇六章九節。彼更進一層申說。謂在天之父。溥施恩澤於人。不視其人之功過若何。嘗曰。主命太陽光照下地。不分善人惡人。命雨露滋潤田畝。不分爲善人之田。惡人之田。瑪竇五章四十五節。又稱吾等爲弟兄。稱吾等爲彼自己之弟兄。汝等皆爲兄弟。瑪竇廿三章八節。在衆兄弟中。彼欲自爲長兄。致羅瑪人書八章二十九節。又欲激發我等之兄弟友愛。卽對於我等傲性所最易欺抑之小民。亦欲我等於其身上。承認有作彼代表之真容。故曰。不拘何時。汝等行此方便於我最小之弟。卽施行於我也。瑪竇十五章四十節。更有甚者。臨終前懇求聖父。請

以凡諸信仰彼者。悉以愛德之繩聯貫之。使成爲一體。曰：如爾父之於我。我之於爾。（若望十
七章廿一節）卒乃身懸十字架上。爲我衆流盡己血。由是使我等若爲其聖血所凝合。而成爲
一體。相親相愛。如百肢之成爲一身。大相友愛者然。

然而惜者。今日之世道人心。大相懸殊。信口鼓吹同胞主義。人道主義者。其盛恐莫盛於今日矣。
况又敢將萬日畧之訓道。耶穌。基利斯督。及聖教會之事業。棄如弁髦。置之腦後。非分妄想。以爲
新文明世界產出之至善珍寶。乃熱心於同胞主義問題也。然而問諸事實。今日同胞事業之發
達創辦。果有駕出歷史之上者乎。種族之傾軋嫉怒。國民與同胞之抱怨含怒。卽無此疆彼界之
分。早爲其積憤仇恨之心。遙相離間者矣。一國之中。同城之內。多方猜忌。不相容納。個人之對於
個人。以私利私見。爲惟一無上之法律矣。

可敬神兄。爾等亦見今日當務之急。宜必以耶穌。基利斯督之愛德。作爲統治宰制之權力者乎。
此愛德也。定爲朕一生注重之要端。視爲特別謹守之政策。朕勸爾等格外留意於此焉。我輩引
聖若望謂：我等宜相親相愛。（若望首書三章廿三節）之訓言。時時誦讀。作爲座右箴。以期
深入人耳。以望施諸實行。目下創辦之慈善事業。屈指不可勝數。若果悉爲真心愛主愛人者。洵
爲美善。甚屬可嘉也。况此等事業。究係長久有益之舉。朕所深爲贊成。否則此舉毫無價值矣。蓋
不愛弟兄者。坐在死中。（若望首書三章十四節）也。

朕謂擾亂世界之第二原因。乃人多輕視長上之故。試申言之。溯自邪說橫行。以爲長上之權力。不由造物宰制普世之大主所授。竟敢謂由人羣社會自由相約以授之。是說旣起。於是尊卑之秩序大亂。上下之聯絡桑弱。漸使不受約束之惡習。自由舉動之熱潮。洶洶然狂瀾旣倒。傲氣陵人。勢不可遏。人人意想中。具此不受節制之心。卽父母之對於子女。有出於天性之尊嚴權力。本爲顯而易見之事。至是於家庭社會。亦受影響矣。最可痛哭者。卽於神爵聖品中。此等毒氛。亦已透入。可勝嘆哉。於是小民輕視法律。揭竿蠢動。爲此也。於是人人訕毀評論。不服命令。爲此也。於是莫不千方百計。藐視長命。以爲不足輕重。爲此也。於是竟敢作奸犯科。不復承認有法律之約束。雖至劫人財物。戕人生命。亦復不顧。其強暴兇惡。有如此者。亦爲此也。

朕仰荷天主眷命。旣承託付解決真理之職。見人事之顛倒。理想之腐敗。莫非使人道滅亡。社會傾覆。一至於斯。朕不能隱忍。默而不言也。朕復以確實不易之道。宣告普世萬民。斯言斯語。無人能隨意改易者也。斯道也。何道也。曰。權力惟從天主而來。從天主而來者。必係秩然有序者也。〔羅瑪人書十二章一節〕以故執有權力之人。或爲君主元首。或爲臣下官員。彼等權力之根原。皆宗自天主。爲此聖保祿命人尊敬長上。服從其命。並不欲人不分合理與否。以尊之聽之。彼命我人以宗教思想而聽從之。卽謂除長命之有違主命者。則各人謹按良心。宜聽從命令也。爲此爾等不得不服從順命。不但或因長上之怒憤所迫。然實因宜謹守爾等之良心故也。〔羅

瑪人書十三章五節）宗徒之長出言與保祿吻合曰：爲天主而聽從一衆出令之人或爲堂堂高坐之君主或爲彼遣發之元帥司員皆宜聽之。（伯多祿首書二章十三節十四節）又宣教異方宗徒由此真諦而解釋聽命之規以爲抵抗正式長上卽抵抗天主因此將受永罰彼曰：故誰或抵抗長上者卽抵抗天主之命令也彼等抵抗之人自取地獄之罰也。（羅瑪人書十章二節）

朕請君主及掌國民者多行自反多方審察彼等所籌之治國政策爲公權爲國家是否合理是否有益是否與耶穌基利斯督所立之真宗教或有離畔侵犯之處蓋惟此真宗教有鞏固國家維持社會之大力也又須再三參考先行屏棄萬日晷經訓及聖會真道以爲養成國民道德培植青年教育者是否爲有益無害之智識舉動耶至今有閱歷經驗之人皆知凡無宗教存在則徒恃權力無所爲能矣如吾人類之元祖一經失職有過此等禍患卽刻隨來今之國家亦然夫元祖之自由愛欲甫離天主不受天主之節制於是私慾偏情油然而生羣起而攻不復肯受欲司之節制矣國家亦然執政者方擬脫離天主權力之範圍不服天主之誠命於是國人亦相率效尤不復服從君長之命令矣所存最末之法惟用刑律以懲戒小民遏其亂萌耳然而究收如何效果乎蓋勢力可以服人形體究竟不能制人內心也由是觀之固結社會之二條法律或行廢棄或被柔弱之後卽謂肢體與肢體不復相親相愛聯爲一體或肢體之對於首領不肯服從

命令則可敬神兄乎。無怪乎目見當今社會。瓜分爲二。成爲二種大敵。日日對壘。兩相肉搏鏖戰。無已也。

富人之財產。或由父母傳嗣而來。或由己之親身營業勤勞而來。享受財產。固爲正當矣。惜乎。由富人之對待以觀。尙有赤貧妻子勞働工人等在此。種貧人貪財之心無厭。莫不眈眈虎視。深懷仇嫉之惡心也。推其意。以爲同爲人類。而度生有如此不均。故一經有人從中煽誘激變。則勢必言聽計從。入亂黨烏合之彀中矣。此等人物。如何尙能爲之開導發明。以爲人生雖具同性。然未必卽應有同境同位以度生也。惟各人若無不測之阻難。則理宜自食其力。固守各人本有之境位也。以故凡有貧人攻劫富人口稱富人強奪他人不義之財等情。此等暴動。不第違背公義。相反愛德。且亦爲逆理叛道之妄舉也。蓋貧人如欲勤於操作。合理計算。則原有可以改良自己境位之餘地者也。此等割階級。均貧富之異想謬說。不但有害個人。且又剝傷社會。此爲顯而易見之理。朕無庸贅言矣。朕與卿等痛見各國之同盟罷工。日見推廣流行。以致全國合城之日用急需。梗阻不通。而生計因之以困。至於揭竿蠢動。以下陵上。其結局至於動兵流血。然後解散。則更屬可惡可嘆之舉也。

前人攻擊社會黨之正論。斥駁類是學說之至理。朕於此處。不復多贅。蓋前教皇良十三。於千古不忘。宣布天下之明諭中。深中要害。業已直捷痛快。指明申斥之矣。可敬神兄乎。卿等其多方設

法將該諭所命行之重件。千萬不可忘却。并凡適逢機緣。則於公教之團體社會中。於講道演述。著書立說中。再三明白曉諭。使人人深知邪說之害。朕有厚望焉。然至上妙法。朕不憚煩言者。其惟斯乎。卽不但以聖經明訓。箇人資格。公私利益等說。樂爲談論。且宜格外注重。專以規勸衆人。遵愛德公律。以兄弟友愛之情。各自同敦輯睦。同臻和愛。斯爲上策。此友愛之情。果不能使各人境地之懸殊。一時全爲除掃。蓋社會之分上下等第。無異於人身之有四體百肢。各體各肢之職位。自不能強而爲一者也。然若爲長上者。卑躬屈節。稍自就下。不但按理以公正善待屬下之人。且藹然和悅。含忍虛懷。以與屬下交接。而又使爲屬下者。喜慶長上之富有順境。信任長上之保護。竟如一家子女。幼者恃長者爲保衛扶助也。

論說 天主上智亭毒萬物論 續

秉直

未完

其三、以博物名家之言爲證。彌爾納愛特伐者。法國之翰林院學士也。曾爲巴黎大學博物學教習。彼嘗研究蜜蜂而贊歎之曰。我不知世界之上。更有何事可及此小動物之奇妙。彼以天然之動作。成此又精緻又複雜之工程。而且布置井井。能以至微之物。而得後來無窮之效果。他不具論。卽以蜂之生卵觀之。有土蜂一種。善於牆上鑽穴。其長如管。穴成以後。遺其卵於深處。而以小虫十一二。唧歸置卵側。封孔口而去。及期。小蜂生。卽吞食此虫。虫將盡。小蜂已生翅。具強力。乃掀封口之泥而出。又有名藤蜂者。鑽穴野藤上。遺卵頗繁。銜小虫亦衆。新蜂生則食之。稍長。

以薄葉鋪穴底。至成翅乃出。尤可異者。蜂卵纍纍。後生之卵。成蜂反在先生之後。無他。先生之卵在內。後生之卵在外。必俟在外者先去。然後在內者可出也。物理之奇如此。顧或者乃曰。此種種奇妙。皆偶然之事。或係物理進化所致。或由蜂之感覺性所發生之效果。了不足異。如此凌空設想。差無故實。蒙學士之假面。說癡人之夢話。不惟爲真學問所棄絕。卽博物家亦不能深信不疑也。伊古以來。如合勒雅彌爾。林南居。未愛。及諸大名人。無不絞腦瀝血。詳稽博考。以冀解釋此現象。而卒不可得。不得不歸功於創造萬物之大主。夫今之物。猶古之物。今之博物家。猶古之博物家。古人持此說。今人亦何嘗不持此說。恩利者。近時代之博物名家也。以研究甲虫類之洋牛。蜚聲於社會。彼所著昆虫學一書。出版後。法國翰林院會獎以一萬法郎。其書之價值可知。彼論及昆虫之感覺。輒曰。此天主上智所引導也。此天主上智所指點也。彼嘗論四翼虫曰。此物之巧妙。最足證明世界之上。實有一蕩蕩難名之主宰。以其無窮法力。指導一切受造之物。特受指導者不知耳。夫曰主宰。曰指導。易言之。豈非卽天主上智掌管世界乎。當一千八百六十年之末。日乃弗大學堂有著名教習。曰奧我斯多特賴利耳。講物理學將畢。一日。謂學生曰。我在此數年中。研究物理。有一事足使我醒心悅目。愉快無似者。蓋我於物理上。恍覺天主於冥冥之際。無一時一刻或息。世界上無論何物。彼既創造之。卽時時掌管之。享之毒之。以消息而盈虛之。彼既置日月星辰於軌道。彼又以其神目。注射我等。蓋我等之一飲一啄。一衣一物。非天主安排不能

得也。又有名人曰奧斯伐愛爾博士。曾著一書。名曰瑞士最初之世界。其結論曰。世界物理之現像。猶樂聲然。善聽樂者。須合全閱聽之。支支節節。無當也。觀物理者亦如是。當以一人之心。統觀全世界物理之調劑得宜。若者為飛。若者為潛。若者為動植。各有其生活狀態。然後能置其心於物理界之上。而覺主其事者。乃有一全知全能之天主也。彼以樂聲之節奏為偶然者。衆必以為妄。而以物理之調和為適然湊成之事。又何嘗非妄人乎。吾人對於世上之物。識別愈清。快心愈深。愈信天主上智。以其理想中之圖稿。造天造地也。夫如是。故能解決世上物理之疑團。與夫人生性命問題之大原因。不但人之心可證天主為實有。一至微之物。亦無不可以作證也。以上所言。謂考察物理者。當考察其相互而成之次序及範圍。如局局於一隅。必構成謬妄糊塗之思想。而走入魔道。凡人愈明白。愈能透觀全局。瞭然於世界上所有之秩序。而上升至造此秩序之主動者。及保存世界之天主也。又有科學界泰斗曰林南。其所著萬物之統系一書。開卷即云。永遠之天主。彼之全知全能。我偶在物理中覬見一二端。即覺奇妙不可思議。彼映入物理中之小影。即至微至小。人目所不能見者。近於無。亦何如有力。何如有知識。何如成全美備。我見動物與植物。植物與無生物。無生物與地球。何以互相連結如此。我又見搏搏之地球。明明朗照之太陽。與夫耀熠中空之經衛諸星。何以能懸而不墮如此。則不得不涉想及第一運動者矣。夫此第一運動者。乃原因中之原因。是一切物之保護及掌管。是大千世界之布置秩序者也。無

以名之。名之曰天主上智。彼創造一物。即安排一物。吾人見世上無量恒河沙數之物。足證彼之全善全智全能。蓋物之有益於人者。天主之全善也。物之美麗悅目者。天主之全智也。物之推陳易新。歷千萬年而孳生不息者。天主之全能也。此種言論。僕指不能盡。我不過舉其孳孳大者。以證古今來有名學士。凡研究物理之秘奧者。無一不承認如此奇妙之工程。悉出於天主上智所構造而掌筭之也。

其四、以倫理之秩序爲證。物理界之奇妙。既示吾人以天主實有之確據矣。然而物理界之上。又有一世界焉。較此更尊貴、更不易見。即明悟界是也。因明悟之結合。而吾人乃有倫理。因倫理之法律。而吾人之良心上。乃覺負有重大之責任。若者爲善。吾當行之。若者爲不善。吾當避之。對於家室。吾有應盡之責。對於社會。吾有應履行之義務。欲避免而不得。欲減少而不能。無形中若有迫吾以必從者。此何也。蓋以吾人之上。乃有一天主主持之也。假使天主而無有。謂此種種嚴厲之逼迫。僅由吾人本性中自然發生。則吾與草木禽獸。有何區別。人生若夢。爲歡幾何。吾何不及時行樂。吾又何必含辛茹苦。度此數十年有限之光陰。惟其不然。吾人乃不得不依良心之聲。所詔我者而爲之。此良心之聲。非本性之感覺。實天主所命令者也。當二十世紀以前。羅瑪大性法家濟則勞論性律曰：有一正直之法律。爲人人所公認者。千萬年不變者。自古至今永遠如此者。此法律命人盡職分。絕欺詐與不道德。不能消滅。亦不能增減也。此法律非羅瑪一種雅典。

又一種。無論何國皆然。無論何人。皆當遵守之也。法律者何。即吾人之倫理是。天主既創此法律。即以此法律命令吾人。是以吾人之身。對於此有應負之責任。違反此法律。即違反吾人之本性。雖能逃世上之罰。必不能逃將來最重之罰。蓋以天主上智。管理世界有靈之物。而為倫理秩序之根本也。

其五。以天主默啟之教訓為證。方今之世。異說蠶起。所謂實驗派。物質派者。均不願認此種種道理。彼等所主張。有學問而無天主。彼等以為研究物理者。祇須研究其生活性質。即能了解。此即彼等之教主。不承認別所謂創造萬物之大主也。近有居愛爾者。嘗述一事。以證彼等之妄。其言曰。彼等學說。自謂能應人心之急需。及解釋人生之痛苦問題者也。乃一日者。有一婦人。因其夫殺人被捕。懊喪不堪。乃造新學家而求見焉。婦人之意。以為口若懸河之新學家。必能安慰其痛苦。因縷述其事始末。及所以造訪之故。新學家聞之。率然答曰。噫。爾之問。抑何奇耶。爾求我為倫理上之指引。亦知此倫理尚在萌芽時代乎。再越四五百年。或者能發明此新學問也。婦人聞其言。頓現失望之色。曰。如先生言。再越四五百年。方知我靈魂之有無。方能治我精神上之痛苦。美則美矣。其如今日乎。爾等學問。不過如是而已。我欲求安慰。爾等反與我以疑慮。假令我見一至卑至微之司鐸。我知其決不如此。必有種種安慰之語也。噫。先生休矣。言畢。遂憤憤而去。夫居愛爾所述之事。真偽雖不可知。然足見其不能安慰人心矣。司鐸則異是。凡人有痛苦者。必

一 千 九 百 十 五 年 陽 曆 三 月

能予以靈魂上真實之安慰。彼非虛構一學說。乃依據信道以出之也。此信道。即自十九世紀以來。光照世界。發生無數奇妙德行。司鐸又將述耶穌納匝勒諾之言以安慰之。此耶穌即從前周行猶太。慰人苦而療人病者。不然。收效何能如是之宏哉。謂君如不信。我請再述聖經上之教訓。以證天主默啟之道理。：永遠之智。安排一切物。及其數目輕重長短。 (知識經十一章)：天主造人。照彼之像。付之以明悟。使之分別善惡。又降以彼所有之光線。使知天主創造萬物之奇妙。傳揚天主之名及其光榮。 (辨德經十三章)：天主不但造世界。且用己力保存之。自世界之此極端。至彼極端。彼之力。能及萬物。彼之溫和。能安排萬物。 (知德經八章)：彼將食物分與天上之飛鳥。無一鳥不得彼之准許。而墮於地者。 (瑪竇經十章) 天主又特別注意掌管人類。達味曰。：我欲避匿而不得。我在天上見彼。我在深淵中又見彼。假使我插翼而飛。逃至世界之極端。是亦彼之手扶助我者。 (聖咏第一百三十八章)：我欲藏匿我性命及良心之秘密而不得。彼知我種種隱微之心思。深透我心中之感覺。 (辨德經二十二章)：人無一事可逃避天主之動作。天主許人在彼智謀之手中。 (辨德經十五章)：彼於我等之自由權。非常尊重。 (知德經七章)：彼許天上之日。光照惡人。亦光照善人。彼許稗草與良苗同生。 (瑪竇經十三章)：彼於世界末日。審判善人惡人。各按所作之事以報之。 (瑪竇經十六章)：在未來

之時。彼之公義。發現無數忍耐。彼使罪人悔過。彼以艱難予善人。是於善人有益。彼欲煉善人之德行。如煉金然。鎔之灼之。使彼得爲天主淨配。及與天主所預備之永遠賞報相宜。（知德經三章）此種種教訓。卽公教人自十九世紀以來。在此真實之道理內。得悉天主上智之信道也。彼等於患難中得安慰。彼等於作事及生活艱難中。得勇敢及快樂。此爲四百兆普通天主教人所堅信。亦爲特別研究明悟學問。及倫理德行。最高超之人所深信不疑者。如無此信仰。吾知其必疵病百出。而退化之速。將不可思議矣。

按天主教歷史。及猶太民族預備天主降生之歷史。最能發現天主上智掌管世界之能力。古時人民在黑暗及恭敬偶像之惡俗中。天主特簡一家。爲後來之一民族。爲保存從前天主所預許者。迨先知所預言之時代已至。耶穌基督。乃降生於世。宣講彼之道理。創立一神會。越時未久。卽化行普世。是爲公教。是卽基利斯督之國。先知曾屢屢言之。不以物質力量之運動。以集合此團體。實能於無數世紀中。保存數百兆人之明悟。同信此道理。復保存數百兆人之心思及愛欲。於望德愛德之中。而聽命於一首領。此首領。卽最高級之司牧。耶穌基督。所親自建定者也。凡閱世界史而稍稍注意者。卽可見各處個人與民族議論之龐雜。學說之歧異。及競爭嫉妬。互相吞噬之情形。唯公教不然。合普世而爲一組。集數百兆人而爲一團體。由此可見天主在世界大局中所圖之宏謨矣。又可見天主如何引導人類。達於其所永遠安

排之目的矣。

論守齋

邵壽卿來稿

未完

夫人欲建大業成大事者。必歷無數艱難。始克告成。而况我聖教中人。欲升天堂。免墮地獄。乃永遠禍福所關。事業之大。莫甚於此。其可漫不經心。而放逸其肢體乎。夫人身如牛馬。若不苦之。則血氣剛強。情慾熾甚。易蹈愆尤。難歸正道。故聖教會中。特定有大小齋之例。所以淬勵其精神。磨礱其志氣。使不懈於媵修也。夫吾主耶穌者。乃諸德之表率。聖教會之元首也。無物欲之侵。偏情之擾。然其傳教之先。尚守四旬嚴齋。滴水不飲。粒米不食。此非立表示人。欲爲其徒者。皆以刻苦守齋。爲入德之門乎。故當聖教初興之際。凡爲信友者。莫不謹守四旬嚴齋。以法吾主聖表。雖不能如耶穌之滴水不飲。粒米不食。然惟於日昃之時。暫用一餐而已。其嚴密有如此者。迨後世風日漓。信心漸薄。乃變而從寬。使人易於遵守。故當今封齋之內。惟有大小齋十數次而已。卽守齋之日。亦較前爲輕。此無他。欲人樂於奉行。不致望而生畏耳。或難之曰。減食未免傷身。性命因之而促。不知衛生之道。正宜節減飲食。使胃力稍歇。胃液乃可復充。若每主日守齋一次。更爲適宜。此乃歷代醫士之說。無庸疑者。獨不見夫古隱士乎。飲食菲薄。時守嚴齋。而壽至百歲者。不勝枚舉。此可知守齋非惟有功於靈。亦且有益於身也。夫人生世上。誰能無過。有過而不補贖。安能上升天國。故生前不補。卽將補於身後。與其補於身後。烈火炎炎。痛不堪當。孰若補之於生前。淡

泊自奉。輕而且飴之爲得乎。歷來聖賢莫不小心翼翼。齋戒以滿其過。爲此故也。夫齋所以戒口。戒則心易正。故儒家亦有致齋散齋之名。凡逢大事必先守齋。乃清心寡慾之意也。孔子云。齋戒沐浴則可以事上帝。今我聖教中所定齋期亦與此意脗合。若夫釋氏之齋戒。寓輪迴之意者。離經叛道不可同日而語矣。

傳記 馬司鐸調和荊州戰事始末記續

荊州田廷俊稿

司鐸出入兩軍。計議已定。次日復入東城。促其實行。衆兵疑懼未釋。互相觀望。深恐給降之後。禍不旋踵。羣欲繳械於天主堂。倚司鐸庇護之。協領長林銜將軍之命。而請於司鐸曰。和議雖定。繳械在卽。若萬一不幸。彼軍反顏。二萬餘生靈成壘粉矣。必也申之信誓。載之盟書。請兩方各派代表。蒞紅十字會。公開談判。立正式之條約。憑公取決而簽字焉。司鐸諾之。爲告於民軍。十月二十三日。民軍唐司令檢派代表彭君及李君桂林將軍派長林果仁阿松壽肇祺復請日本領事及稅務司共二十八人。宴於紅十字會所。議立和約七條。司鐸主席保證之。（見後第二十號）和議既成。遂於二十四日投堂繳械。計先後繳出開花礮快礮十八尊。槍四千餘桿。子彈一千餘箱。凡一切軍裝馬匹。悉數繳出。械既繳畢。乃責令於城樓遍豎白旗。將軍允之。未卽辦。司鐸恐延久別生異議。急以已之白布臥褥裝爲白旗。逕登南樓插之。滿兵感甚。無敢違忤者。旋有無賴漢匿名函報。滿兵繳械未淨。重造新刀。給民軍入城。設伏坑陷之語。民軍大爲所惑。囂然不靖。唐司令

急面司鐸窮詰之。司鐸答以余體上天好生之德。行其不忍之心。濟世利人。是其本志。初既不忍。滿兵死於非命。豈忍民軍罹坑陷之慘乎。芸芸衆庶。同是蒸民。奸人之言。君其勿聽。無已。請偕行入城。設果遇伏。可併命也。乃與唐君犧支。喻君洪啟。携手步行。甫至城堙。見滿人夾道爭迎。歡頌交作。爆竹之聲。不絕於耳。唐大喜。向司鐸申謝曰。公眞仁人。化斯浩劫。非至德入人之深。安得如是乎。遂遍遊街市。而至軍署。取冊籍文卷焉。此後民軍陸續入城。分途安紮。唐犧支。駐巡道署。而設荆宜施鶴總司令部。旋編爲第七師。王正雅。率湘軍駐東城。設本部於舊將軍署。清將軍連魁。右都統松鶴。退讓衙署後。不獨棲身無地。且不堪其擾。司鐸乃延彼暫住堂內。爲之代請司令。部發給護照。俾得安全北歸。攝荊州府知事者。爲河南李亞東。係漢陽戰敗。沿漢入荊者。斯時戰役既息。人心粗定。撫綏安集。責在有司。不期餘波疊起。尙數煩司鐸之焦勞者。蓋新募之軍多游民。久涎滿人巨富。輒思藉端攫取之。時沒收軍用品之令方嚴。軍人乃以搜查之名。行其訛詐之計。漢民於戰事期間。有爲滿兵所捕辱者。亦思有所報復。百端尋隙。均賴司鐸之爭持。得以保全。一日。有駐東城長壽宮之民軍。燃薪取暖。延及火藥。以致震烈之聲甚巨。民軍大譁。指爲滿人暗放炸彈。意圖叛變。欲大搜索。以洩憤。司鐸立趨解釋之。禍乃未作。滿人中有魁姓者。積資甚厚。係荆旗富室之冠。爲人涎羨久矣。荊州府稽查員姚魁麟。欲索詐之。乃誣以暗藏軍火之罪。率兵封查。逮其家人。擾攘之間。適司鐸行經門首。趨入視之。時姚正值搜索。傾箱倒篋。狼藉滿地。魁家男

婦老幼。驚慄無人色。司鐸詰所由來。姚答以搜查軍火。司鐸告以和約之成。余實主之。既有軍火。應會同入查。卽偕入踏勘。週歷全室。竟無踪跡。行抵後門。見門上新加封條。司鐸立扯去之。開門四囑。向姚窮詰。姚惶急。妄指愈指愈謬。時魁家已報告湘軍統領王正雅。王立派李參謀蒞場查探。姚兵與湘軍素有積嫌。至是憤爭互鬪。槍聲大作。司鐸乃出門宣言曰。爾等戰事甫息。內訌卽起。同袍之義。將謂何也。試思革命之幟。何等正大。同心協力。猶懼弗勝。今乃擁護一二奸人。以啟手足之爭。竊爲不取。余費月餘之苦心。奔走流涕。始得保此城市。活此人民。茲竟以意氣之爭。自相仇殺。不特滿人竊笑其旁。亦何以對荊州父老也。鄂軍聞而翕服。乃相率散去。斯時兩軍暴憤。各不相下。禍機之發。迫於眉睫。設非司鐸義氣激昂。有以降服其心。當日之糜爛。實有不堪設想者。當時司鐸復入魁宅。將姚稽查身畔竊藏之金飾等件。躬自搜出。經湘軍押解於司令部。聽處理之。司鐸從而問曰。君曾有令搜軍火乎。唐應之曰。有。司鐸復詰曰。無端搜查。因而攫取人之財物者。當如之何。唐立應之曰。斬。司鐸乃將姚等及竊藏之物。陳使觀之。唐大驚。急白曰。是非隸我部下者。乃府署李亞東之稽查與衛兵也。遣使呼李至。李噤不能聲。良久始言曰。姚違命令。罪由自取。請以軍律處之。以儆其餘。唐聽之。立斬以徇。盡釋其家人。而還其金飾焉。從茲軍紀肅然。漢滿之家。俱無敢入與之爲難者。司鐸維持之功。曷可沒也。滿漢旣和。言歸於好。里巷相親。前愆盡釋。滿人思蒙上主之眷佑。荷司鐸之拯拔。鋒鏑餘生。悉願信崇真道。以救靈魂。迄今領洗者。已達

傳記

馬司鐸調和荊州戰事始末記續

一百十五

二千人矣。雖足見正教感人之深。亦司鐸功德在人。有以潛移而默化也。是年。司鐸奉楊主教命。建天主堂於東城。設學校三所。男女工廠二處。共容一千數百人。教養兼施。各得其所。襄斯事者。彭濟國。司鐸之力亦足多也。大總統曾來電道謝。（見後第二十二號）自斯之後。凡民軍對於滿人。繳械給銀十元。六月恩餉諸條件。司鐸一一促之履行。俾兩方均無遺憾。時南北甫經統一。財政奇窘。於滿人生計。艱於籌備。司鐸邀同彭濟國。司鐸躬赴武昌。謁見副總統。備陳調和斯役之始末。及滿人流離之苦况。黎公感嘆者再。慰勞有加。乃派胡鄂公。張盤為荊旗生計籌辦使。倩司鐸贊助之。（副總統來電見後第二十四號）舉凡滿人生計。及一切善後事宜。司鐸悉本其惻隱。竭力贊助。期年告竣。副總統特給司鐸一等金色獎章。給彭司鐸二等銀色獎章。各給獎照一道。表謝忱焉。是年。比利時駐華公使歸觀比王。奏陳司鐸在荊州調和之事績。比王大為動容。立賞給雷奧寶勳級位。騎衛勳章。駐漢法領事。亦將司鐸之功。報知法政府。賞佩勳級會騎衛勳章。以彰其勞。荊州人士。亦鑿金為司鐸鑄立銅像於南堂之前。誌不朽焉。嗟夫。民國成立。五族一家。荊州漢滿。消融已無畛域之可分。四民酣嬉。各安其業。司鐸之心。亦可以慰矣。

田廷俊曰。余記馬司鐸調和荊州戰事之始末。不禁有感於中也。當夫武昌倡義。全國鼎沸。吾鄂居戰事之中心。陽夏而外。戰爭之劇烈者。厥惟荊州。一則為大勢所趨。狂獺莫當。一則為絕望之餘。致死奮鬪。大禍之至。間不容髮。幸我司鐸至誠格天。信堅金石。始得於驚風駭浪之中。重覩天

日我邦人試回首自思亦曾憶及當日城下之慘乎殺氣奔騰愁雲黯淡炊烟將絕之際曾憶否有白髮纒纒之老人奔走蹀躞於兩軍間聲嘶淚盡者乎而今繁盛之市埠莊嚴之城郭熙攘往來安聚無猜孰實致之有茲日哉嗚呼漢皇一炬菁華幾竭尙恃有完全之沙市宜昌稍資挹注俾財源不致頓絕司鐸之功不特庇蔭荆南全鄂胥受其賜矣民國之成實攸賴之間行南關欸步東堤觀銅像之巍巍矗立雲表不禁肅然瞻拜穆然神往也我邦人父老昆弟其亦知所感歎

西歐戰濠記畧

漁人

近日歐戰之劇烈可謂生民以來所未有者也羣雄相鬪雖云鎗炮之力與五十年前比較幾有十倍之兇暴然而相持不下無大勝亦無大敗者戰濠之力也開戰以前人謂此次戰局之結果必爲迅速而孰料有大謬不然者試閱法文旅人報所登戰濠情形可以知其梗概矣蓋五十年前兩軍於平原高山上交爭並無戰濠之法故死亡人馬頗衆今則不然空中有飛艇飛船之戰海中有潛水艇魚雷水雷之戰而地下有長築戰濠之戰無怪其稽延歲月不能捷奏膚功也蓋戰具雖利而戰法大爲變動矣夫戰畧以伏兵爲第一要術乘敵人之不備隨時隨處襲擊使敵防不勝防有疲於奔命之苦此之謂勝敵上策也初戰濠之法出自德國法國頗有不贊成之意及見敵人固守戰濠勢難取勝則不得不依樣葫蘆亦設戰濠以自守矣建築戰濠必擇一平原大地或擇一險要路口與森林相近者以防不能禦敵時可由森林遮護易有穩退之便不致大

遭挫損。戰壕之式。大概墾一濠線。闊一邁當又半。(合中國官尺四尺二寸有零。深一邁當又八十。(合中國官尺五尺有四分)墾出之土。堆於敵人前面。作為土垣。(濠溝與土垣合計高一丈有餘)濠底內置有長橈。高四十生的邁當。(合中國官尺一尺一分)兵士立橈上。可由土垣穴中。開鎗炮擊敵。若有餘暇。濠線上蓋以門板、樹木、泥土等類。以蔽風雨。且避鎗彈。其稍遠戰壕處。另有歇息臥房。濠線通遠處。或作十字式。或作Y字式。通以電話。以便軍中傳令。其第一道戰壕。離敵僅數百邁當。設有鐵絲網線。此等戰壕。可稱為堅固砲營。若不犧牲多數人命。不易戰勝奪得也。軍士或坐或立戰壕中。一面易開鎗砲。一面使敵人之鎗彈。難為擊破。敵之鎗砲擊中土垣時。或剗削數方土塊。或竟橫空削過。在戰壕中者。只聞烏烏聲。爆裂聲。毫無性命大危。然或不幸出頭露臂於外。則危險突至矣。砲彈之重四十基勞者。偶或落在戰壕內。僅打成一深五邁當之大穴而已。然而極難命中。中而傷斃人命甚微。戰壕內頭陣值防兵士。每二十四下鐘。調班一次。時候既久。於是一切應用器具。亦色色俱全。擡燈、枕褥、炊火、飲食等器。無一不備。此為廚房、飯廳。彼為外房、游息所。某日。一兵見一乳牛。游牧於戰場險要之地。彼即牽入戰壕內。善為畜養。不久。同伴有新鮮牛乳以飲。有新鮮乳油以食。人人津津樂道之。他處聞之。羣為爭效。戰壕內。某軍官精於理科機學。竟創就熱水、溫水等浴池。以便軍人取用。又戰壕中。編輯日報、新聞、游戲雜誌等。每主筆者。皆鼎鼎有名之士。印刷發行誦閱。皆在戰壕內。一日。某把總入戰壕內。聞人乘歡譁聲。

把總責一兵曰。汝曹在此何事。曰。我等設法盡職。各顯技業耳。汝習何業。我爲工程師。習建築業。今在此。僅爲小兵。至少我尙知燒火烘煨之術。於是引把總參觀小火爐處。設有鉛木等管。內置水酒等可飲之物。引火灸之。熱度既高。灌於他處。開管接以杯爵承飲之具。兵士皆得熱飲矣。戰壕外。鐵網上。隨處懸有金甌及空瓶等物。若夜間敵人進攻。一遇此等物件。丁當作響。遂兩面鎗聲大起。然夜間或有野兔小獸。偶而衝撞鐵網。則風聲鶴唳。草木皆兵。不能閉目矣。軍士之出入戰壕者。日間必須匍匐而行。始可避敵人之目。夜間則可挺身直行矣。戰壕最近敵人處。竟可使兩軍傳語。譬如某夜。法軍士問德人曰。德人乎。汝等安好何如。彼等答曰。汝等有幾人在內。二軍團在此。有時兩軍通信。有足解頤者。一日。德人趕一馬。至我戰壕前。馬頸懸德國報帑及大書。法人請安。字樣。又云。汝輩知俄人大敗之新聞否。蓋德人所知之新聞。僅如此耳。又有一日。德人送一山羊。至我戰壕處。羊頸懸有。法人請安。字樣。及我等趕羊去。該羊遲遲不進。雖德人自壕溝呼羊回家。竟不肯回營。噫。此或乃已入法國籍之德羊乎。時或游戲通信。甚爲危險。某夜。我等安居戰壕。忽聞靴聲囊囊。甚爲重滯。又知我等無一人在外。於是某兵揭開壕蓋。呼曰。來人爲誰。戒之戒之。聞有聲答曰。德國來了。諸法人請安。言畢。腳聲似甚疾奔者。蓋已逃回矣。我等知此。大吃一驚。某兵曰。理宜酬報一次。以昭公允。誰能當此職者。某兵曰。余可往。言畢。出戰壕。前行二百邁當。至盡頭處。德人戰壕所在。呼曰。德人請安。我法國萬歲。呼

畢。鎗聲霹靂拍拍五十響。由敵濠發出。該兵安然步回。惟肩上吃了一彈。稍有不便耳。然兩軍之遊戲酬報。已達目的矣。同人莫不賀之。時兩軍中有音樂名家。各呈技術。彼有拉手琴者。此有吹簫笛者。一日德軍中正奏瓦溺爾跳舞名曲。我軍某兵聞之。出濠外。且歌且舞。時兩軍間有鎗聲。敢應者。至是鎗聲止。忽聞兩軍拍掌聲甚久。蓋獎勵跳舞之某兵也。一日兩軍戰濠中。走出一兔。兩軍各開鎗擊之。兔斃於中途。法兵某挺身出拾死兔。德人呼曰。烟。烟。該兵始悟德人缺少旱煙也。於是回濠徵求於各兵士。湊成煙葉一大包。挾之而出。置於死兔處。帶兔安回。一德兵出。速取煙包而去。兩軍困守戰濠。日久生厭。想出各種有益遊戲之法。於是某軍官植一木棍。上置一軍帽。敵人見之甚喜。遂開鎗連環射擊之。作打靶狀。間有中者。我軍揚旗於上。以示中靶擊畢。我軍輪班打靶。以示取樂。未幾德人亦紮一草人。高舉戰濠之上。我軍開鎗擊之。以解愁悶。兩軍戰濠如是相近。夜間供事之人。偶或迷道。致有誤投敵營之險。某夜德軍廚子某。手提燒熱鹹菜。送至我戰濠處。暗中呼曰。鹹菜來矣。作德語。我軍聞之大喜。歡迎入內。以供一嚼。以上種種戰濠度生情形。僅舉一二。閱者亦當知軍士之苦樂大概矣。

中華第一主教羅大司牧傳

福建劉司鐸稿

羅公文藻。字汝鼎。華司鐸之第一人。得升主教者也。生於天主降生後一千六百十四年。即明萬曆四十三年。福建福甯府福安縣羅家巷人。年十六歲而領洗進教。聖名額我畧。進方濟各第三

會家甚貧。父母早亡。其兄恒薄待之。領洗後。即隨栗安當司鐸出洋。至呂宋三十歲。又進多明我會。即在呂宋大學堂讀聖書。學業大進。至三十七歲。始陞司鐸。順治十二年。偕同會修士數人。回福建傳教。不幸順治殂落。康熙即位。年幼不能親政。而由四大臣輔之。此時朝廷受楊光先唆。譖遂欲殘害聖會。各省西來之司鐸。概被驅禁。各教堂往往空無神牧。羅司鐸於危難之際。日夜勤勞。力維大局。且不憚煩勞。猶徧宣傳天國福音。援引外教多人。回頭認主。計三四年間。被化領洗者三千餘人。熱心救靈。德名遠播。教皇意。諾增爵第十一。聞其才德超羣。又以中國不可無主教。即簡陞羅司鐸為中國主教。異數也。願教皇命令雖到。而無人為之祝聖。至康熙二十四年。方在澳門行祝聖禮。時已七十餘歲矣。精力雖衰。猶能如壯時之熱切救靈。徧巡各省。施行聖事。閱八載。乃於南京棄世。棄世時。一切任內事務。悉布置妥帖。誠大德之主教也。方司牧在位時。因西來之司鐸不多。不足以廣揚教化。故於華教友中。特簡才德出眾之數人。授以神權。協助傳教。其中以吳漁山。劉蘊德。兩公為最有名。吳為江南望族。善詩畫。妻亡後。棄俗精修。入耶穌會。及登神品。年已五十七。盡心傳教。以至於終。歷三十載。不稍懈。劉氏官至欽天監監副。後辭官修道。升司鐸時。年花甲矣。在江南傳教數年。而後棄世焉。

近事 羅瑪之部 去年十二月初。比利時國駐紮羅瑪使臣男爵埃爾伯公。

haron d'erp 覲見教皇。進呈國書。(此為各國使臣與宗座辦理交涉者。每逢新教皇登極。禮宜

傳記... 中華第一主教羅大司牧傳

入覲進呈國書。該使臣奏詞甚悅聖旨。末云。比利時國民之對於教皇。對於聖教會。不拘如何困難。總不變其赤子懷愛宗座之誠。教皇優詞答曰。卿之奏詞甚合朕心。朕至今常覺比國人民之傾向宗座。自有高出一等之程度。卿所已言者。係卿合國人之光榮。卿所未言者。係卿家族之對於宗座有特別勳勞。朕今宣布此等於天下。理也宜也。卿等全家忠事教務。朕至今不敢或忘。卿之大兄。嘗爲宗座而流血矣。卿之辦理宗座交涉事件。十有八年於茲矣。卿之赤膽忠心。輸誠葵向。昭著天下。朕豈有不知乎。比國人民之固守公教。不肯稍示懈怠。天下莫不聞知。目下貴國所遭之慘禍。朕心無任傷悲。朕望貴國不久早享和平。卽在此世。所謂公義之執行。亦未必常爲隱而不彰者也。天主教上智自有安排。彼有功於聖教者。必有酬報之日也。教皇言畢。入御書樓。與該使臣闊論高談。甚形親睦。禮畢。使臣出。與隨員秘書。謁見教皇之國務卿畢。又進聖伯多祿大堂祈禱片時禮也。○英國政府由諾爾福爾伯爵轉奏教皇。陳請於臨戰時間。特遣一全權使臣駐紮教皇處。專辦宗教事件。(英國前此並無此員) 教皇大爲贊成。英國政府卽遣好娃爾脫公。Henry Howart 任駐紮教皇處欽使之職。按好公係公教中人。可謂得人矣。○各國主教司鐸等。覲見教皇之人。日形增多。○教皇簡命樞機瓦拏德利公。爲斐洲白衣會傳教司鐸之保衛使。接充前任樞機蘭包辣公之缺也。○樞機第比哀奪勞公。Carl. in Piedro 於十一月初五夜薨於羅馬。享壽八十有六。公薨後。樞機大臣之虛位。共有十一缺。未知何時能補全也。○教皇機關報去

年十二月初載有數語。畧譯如下。近日各報載教皇有請交戰團各國於耶穌聖誕瞻禮前後。停戰數日。此事甚確。因教皇體貼平安之王耶。蘇。基。利。斯。督之意。會親移文送交戰國政府。准軍人停戰數天。以備善過聖誕慶日。移文去後。茲得各國回音。大抵贊成教皇關切民瘼。鼓吹和平之美意。惟尚有一二交戰國。答以時機未熟。一時不能從命等語。○教皇致國書於土耳其政府。請其將天主教傳教士及修士修女等。准其出險回國等情。土國政府允准所請。於是某輪船載出法國司鐸修士修女等二百二十八人。又放出某大學無神品之教習一人。足見土國政府對於教皇頗敦睦誼。○教皇致諭於比利時。瑪利納。城總主教樞機梅爾雪。公謝其傾向宗座之熱心。尚於困難之中。捐款遙助聖座。惟目下此等捐款。教皇願讓於比國地方。助賑被難之教友。○十二月初七日午正。教皇於覲見殿內接見傳教會司鐸。仁愛會修女及羅瑪慈善團愛德會女士等。由該會總會長大司鐸費葉德。公 P. Vialatte 率領引見。先由大司鐸呈進頌詞。畧謂聖味增爵所創之修會及慈善團等代表。悉已到齊。伏求教皇降福。教皇訓詞答謝。親降遐福。○十三日羅瑪公教團體聯合會員五百餘人。覲見教皇。教皇訓以熱心於公教宗徒事業。有始有終。萬勿灰心。○病人領聖體亦宜全守空心齋。若久患重病。已逾一月以外者。則可稍免全守空心齋之嚴律。此次歐洲戰事發生後。多數主教奏呈教皇。請為戰士受傷之人。暫免此律。教皇業於十一月十六日。命部臣傳諭。畧云。茲因聖事部總長之請。教皇批准。凡為戰事受傷之人。或在戰場上。或

一 在醫院內。於此戰事期限中。儘可隨時送聖體於病人。不必拘守空心齋之律。戰期既滿。然後取消新律。○聖誕瞻禮前日。教皇接見宮內大小臣員。祝賀聖誕節慶典。樞機瓦孛德利公代表全體。宣誦祝詞。奏中畧云。教皇竭力運動。使交戰國暫於聖誕節息戰數天。若此舉無效。教皇於鼓吹調和一端。仍不灰心。勢必達到目的。而後已。臣等亦一體翊助聖座。一致進行云云。教皇答詞。先謝衆人祝賀之忱。繼讚前教皇庇護第十之豐功偉業。卒謂接近日前呈之祝詞。莫不以早戢干戈。禱祝和平爲注意。此皆深中朕意者也。天主教自有權衡。使朕御極之初。不見昇平盛世。反見滿目瘡痍。不見歡呼萬歲。反聞砲聲隆隆。震天駭地。聞者莫不心寒膽裂。朕大聲疾呼。布告天下和平之望。雖未見有實效。然朕之提倡平安主義者。天下之人亦已聞之矣。經云。高呼高呼。不可停止。朕有味乎其言也。朕願從軍衛顧傷兵之司鐸輩。對於受傷軍士及其家族。常爲傳通音問。使兩面稍得安慰。朕深賀主教司鐸教友等。提倡公行祈禱。爲得平安息戰。此舉深愜朕心。朕望交戰之國。稍聞聖誕時天神來報福音。有太平於地之言。以期及早息戰。卿等務爲鼓吹。多行公衆祈禱。以挽上主義怒云云。○教皇運動交戰國交換無力再戰之俘虜一事。以瑞士國爲交換之區。且另頒諭各國主教。令其代達政府。以爲教皇之意。爲交換俘虜。不分宗教。一律優待。以昭公允。○教皇要求法國政府。優待被虜於高爾司島之奧國司鐸。法國政府允之。今該司鐸輩。目下可日行彌撒聖祭。并設法稍得司鐸度生之程度矣。○二十八日。教皇接見奧國使

臣普國使臣罷味也爾國使臣秘魯國使臣多明我島代理使臣皆入賀新年之喜者○三十日英國駐紮教皇處之新使臣好娃爾脫公覲見呈進國書教皇御寶座殿見之該公使宣誦祝詞教皇優詞答謝○多明我會總長率領萬國宗座天神大學院教習及學生等覲見教皇○本年初一月初三日羅瑪法國僑民大堂謹遵英京總主教之咨文同行公衆祈禱大禮求主使聯軍得利○羅瑪教皇機關報載各國交戰團政府致謝教皇之覆書謝其發起交換俘虜之事大形滿意。

本國之部

○直隸 蔚縣城內會長自戴司鐸在任選舉以來迄今已久茲該會長因年耄面稟告退柯司鐸洞鑒情形准之遂於陰歷九月初八日投票選定會長李君同享（現充蔚縣商會會董及直省商會聯合會會員）二會長高君恒久（開設義信和執事人）三會長王君盡臣（充任蔚縣商會副會長及直省商會聯合會調查員）又會助七名彭玉滿高尙林王守貴高尙友雷忠信李忠全李忠敬選定後立即榜示俾衆週知柯公又賜謙以作紀念翌日諸會長面求柯司鐸屆期抵城做耶穌聖誕瞻禮以資傳揚而擴教務柯公允准迨至陰歷十月初五日大堂門懸掛五色國旗諸位會長會友及男女學生列隊迎接教外人參觀者數百人柯司鐸進堂衆教友按次行三鞠躬禮誦聖教大行祝文禮畢各自散去自初八至初九日除大堂門懸掛五色國旗外堂院內接搭五色大棚一座懸掛法國旗一對各種洋燈電燈及諸種花草花

近事 … 本國之部

品滿院光明。柯司鐸做大禮彌撒時。男女學生分班唱經。風琴悠揚可聽。炮聲隆隆不絕。本處教友及外來教友六百餘人。教外人參觀者數百人。凡參觀者無一不稱羨。實有廣揚之勢。數十年未有之盛舉也。禮畢自行散去。至初十日上午十鐘。在辦公室開職員會。柯監督報告開會理由。演說畢。大會長提議設立公教初等學校。多數贊成。二會長提議設立宣講所。衆又贊成。擇定地址。稟請成立。三會長提議組織公教進行會。全體贊成。表決向北。請領章程。一面稟請主教核准。至下午一鐘十八分。振鈴散會。監督及職員攝影。○廣東 香山 欖鎮 自司徒司鐸瑛泉蒞任以來。宣教救靈。極形肫切。聞各省興立公教進行會後。團體堅結。教務日見顯揚。因於民國三年。銳意提倡組織。合羣力以助救靈。隨蒙澳門鮑主教極意贊成。去年八月十五號。開臨時會。選舉臨時職員。以備正式成立。至聖誕後第二日。舉行正式選舉及開幕大會。屆時來賓有撒肋爵會。賀楊二鐸。與香山石岐大黃圃潭洲等處會員。及教友十餘位。十點半鐘入場。先行公推何少軒君爲臨時書記長。彭仿劉君爲唱名員。李富南君爲查票員。賀鐸爲監視。司徒司鐸爲監督。搖鈴起誦。伏求聖神降臨。念畢。賀鐸宣布正式選舉理由。繼又演說。慎選得人。有將來之好結果。否則不惟無進行之効。反生種種阻力。因而勸勉。破除情面。勿生意見。惟期人我皆獲益云云。演畢。鼓掌如雷。賀鐸乃命開票。楊鐸審查。約一點鐘。選得評議職員十四位。覆選正副議長。鄺喬芬得六十七票。何潤生得五十二票。霍華邦得五十二票。於是公定鄺喬芬君爲正會長。何潤生君爲副

會長。其餘十二位。皆爲評議職員。而霍華邦君則兼爲會計長。何少軒君兼書記長。又另選各區域幹事員十二位。午後一點鐘。乃搖鈴撤會。二十七號。各員與彌撒及聖體降福後。休息一點鐘。十點鐘。先懸主教頌來行樂一尊。爲本會紀念。時會員與來賓有百餘人。入場後。搖鈴開幕。賀鐸起念聖母經。伏求聖神降臨。各一遍。念畢。交出鮑主教准立欖鎮公教進行會之文憑。與司徒監督口譯。俾衆周知。次譯主教特恩降福本會與諸會員一函。及主教特委賀鐸爲代表電文一紙。後由司徒監督請賀鐸主席。宣布開幕理由。司徒監督演講。和睦爲團體之真根基。仁愛爲進行之善方法。語語誠切。聽者感動。甫畢。拍掌聲喧。正會長演說。本會照中華公教進行會章程組織。蒙主教准許。今已成立矣。但思本會與外教各社會不同。外教之社會。全爲肉身起見。我公教進行會。則兼神形公益爲終向。故凡我會員。必要先作完全之公教人。明白教中道理。立好表樣。方能踐進行之實事云云。演畢。拍掌。其餘會員與來賓六七人。相繼演說。至午後一打鐘。賀鐸起念聖母經。搖鈴休息一刻。小酌。三點半鐘。再入場。主教代表與監督皆避席。惟正副會長及各職員提議進行諸件。正會長鄭喬芬君（現爲本欖鎮商董次長）提議求代表神父轉稟主教。派演講員一名。常駐欖鎮演說。令外教人易於明白聖教道理。衆贊成。次提議請儲蓄會底。衆贊成。三提議籌款買地。建立本會會場。衆贊成。副會長何潤生君提議。開會須齊集。入會場須免冠。及不得吸烟喧嘩等事。以肅觀瞻。贊成。評議員何心田君提議。凡瞻禮主日。各職員會員。非有緣故。必

近事 ... 本國之部

須到堂與彌撒。聽道理。衆贊成。以上五款。經取決於監督。一律通過。時已鐘鳴四句。乃齊集於天階拍照。然後散會。○湖北 三官殿自創立公教進行會後。劉司鐸即函請光化縣方知事出示保護云。案准公教進行會監督劉函開。逕啟者。溯公教進行會創自歐西。行於東亞。甫及三年。查各省城鎮商埠。皆已組織成立。原爲社會謀公益。爲人民造幸福。與一切弋名網利之黨會。迥不相同。而三官殿居均光二縣之間。尤宜及早成立。以資普及。茲敝會於本月十二號開會成立。惟該處風氣閉塞。不甚發達。誠恐愚民無知。妄生阻擾。理合具函懇請貴知事通飭各團。並出示保護。而重教務。是所盼禱。等因。准此。除通飭各團知照外。合亟出示曉諭。爲此示仰各色人等一體知悉。毋得妄生阻擾。致教務進行有碍。仰恪遵毋違。切切此諭。旋又函請署理均縣孫知事曉諭云。前准老河口北堂司鐸劉函開。陽曆三年十二月十二日。在縣屬三官殿開設公教進行會。以促公教之進行。請爲立案等因。准此。當經本知事屆期親蒞三官殿會所。同主教畢團長趙暨附近地方村長紳董。剴切演說公教道理及進行方法。務使環聽者人人領悟。查此會既名爲公教進行會。則一視同仁。無論奉教及未奉教者。皆可入會。其立會宗旨。專爲化除民教意見而設。必欲使一般人民。化除私見。講求公理。未奉教者。不得存外視教民之心。已奉教者。亦不得存歧視平民之意。會中分設幹事員調查員若干人。皆推舉地方正紳。各盡義務。如有鄉民齟齬口角細故。調查員查明實際。幹事員力爲調和。期於大事化小。小事化無。爲目的。自設立此會。地方可

免許多爭執。人民可免許多訟端。至辦理醫院、育嬰、義塾、救火、養老、恤貧等善舉。尤爲此會惟一之要務。慈祥出於至性。經費聽人樂捐。欸多則範圍可以擴充。欸少則救濟亦收小效。誠恐附近居民不知公教名義。進行宗旨。少見多怪。辜負苦心。合行出示曉諭。仰紳商軍民人等一體知照。勿得誤會阻玩。切切特示。○薪水葉君珍。去年秋間。曾擬創辦公教雜誌。旋以他故中止。人皆惜之。茲由該省張明德、沈玉親兩司鐸暨教友廖霞、仁徐毓、黃諸君組織崇德公報。草就簡章。着手招股。擬每星期出一冊。每月四冊。全年共四十八冊。內容分爲論說、傳記、閒評、新聞、雜俎、專件、教育、學獎、語課、藝文、苑小說等十二門。專以闡明正道、提倡德育、輔翊公教進行爲宗旨。一俟股欸招足。卽行開辦云。○江蘇上海公教進行會所設之進行學校。一年以來。成效卓著。學生之進步亦非常迅速。本年陽曆二月七日。舉行寒假禮。並開父兄懇親會。來賓甚衆。屆時全體學生齊集禮堂。由監督凌司鐸諄諄訓勉。畧謂今日年假。肉身假而靈魂勿假也。故神業仍須前進。學堂假而家庭勿假也。故居家切勿放浪。學生果能如是。則身雖放假。而心仍不放。志仍不假也云云。次由張漁珊司鐸代表正監督潘秋麓司鐸演說。畧云新史上記耶穌十二齡講道之後。只有年齡與智識並進一語。以賅括耶穌十八年之歷史。諸生今日年假。至明年開學。約有二十日之久。鄙人亦以年齡與智識並進一語。來相勸勉。夫今年爲六歲七歲。明年卽七歲八歲。年長一年。年齡之增進。有不期然而然者。若夫智識。卽有志氣。有道德。對於天主。對於父母。對於兄弟姊妹。及

社會物類。並對於自己。各盡其應盡本分是也。學生在學堂。係受教智識之時也。放假在家。係行使智識之日也。顏淵之退而足發。孔子稱爲不愚。諸生平日受教於先生者。如敬主也。愛親也。敬長也。弟弟也。愛潔也。公德也。守秩序也。有禮貌也。種種教科。無非智識。受諸師者。宜存於已。學校者。宜行於家。故假期之內。一切行爲。與未受教者無別。是不盡本分也。無道德也。無志氣也。卽無智識也。愿諸生今日放假回家。至明年開學到校。年齡與智識並進。是所望也。云云。演說畢。衆皆拍手。隨卽行禮而散。是日禮式如下。(一)搖鈴開會。(二)奏樂。(三)唱校歌。(四)報告。(五)波形行進。(六)習字。(七)同學樂。(八)黑板書畫。(九)雁陣驚寒。(十)唱歌行進。(十一)黑板畫。(十二)歡迎歌。(十三)啞鈴。(十四)自述。(十五)訓詞。(十六)奏樂。(十七)學生行相別禮。(十八)搖鈴閉會。

外國之部

○法國 法國自開戰至今。兵士死亡甚衆。孤兒寡婦之數。日見增多。其

死亡未確之人。稱之曰毫無踪跡。此等毫無踪跡之人。始稱曰毫無踪跡者。過一二月後。忽有音信自德國至。知爲俘虜。尙未畢命。留有一朝靚面之希望。然究竟毫無踪跡之人。仍屬多數。勃尙松城主教登報慰之曰。君等悲痛子弟之失踪。心如懸旌。毫無歡慰。然君等皆具有信德之人。君等於子弟從軍出征之後。亦嘗爲彼等祈禱求主者乎。如果爲彼等求主者。則君等必復有相見之日。惟或早或晚耳。天主無所不知。君等之子弟所在。天主必明知灼見之。彼等或死亡。或被虜。

仍屬天主鑒視之下。君等之恒心祈禱。實爲上策也。再者。君等尙有一天上慈母。可向之哀禱。彼之懷愛君等。遠勝於慈母之愛子女。君等所有不可解決之憤鬱。儘可向之哭訴。彼必設法解救。扶助君等者也。各人尙有護守天神。彼等無踪跡之人。亦有護守天神。君等可請己身之護守天神。轉達於彼等之護守天神。爲之伴護。則於生死不測之禍。必能達保全之目的也。君等不知子弟之存亡何若。宜旦夕禱祝天主。懇求聖母與護守天神呵護庇佑。使於鎗林彈雨之中。不致蹈殞命之危。卽或已授首疆場。伏屍暴露在外。君等知否。天主爲卹護義人之骨殖者也。君等不可徒自傷悲。如無信德之人。他日復活之期既到。彼等身發光耀。美麗莫倫。至是破涕爲笑矣。○里翁。本城每年於十二月初八日前後。有朝覲迎聖隊慶賀無原罪始胎。去年十二月初六日。甫爾維哀爾聖母大堂。仍行此舉。回憶四十年前。德人突入法國東境。里翁城危在旦夕。於是本城人民。懇求聖母特別保護。行此朝覲之禮。以後年年舉行。以作紀念。去年法國開戰以來。與四十年前之景象。大同小異。闔城人民。加倍虔誠。懇求聖母保護法國。是日朝覲隊約有一萬餘人。內有軍士數千人。戰後受傷之軍人數百名。或頭裹白布。或手執拐杖。艱於步履。見者莫不感動。朝覲隊公唱：我儕欲天主爲我君王。之章。數千人同聲高唱。響遏行雲。朝覲隊魚貫入堂。約有三刻之久。斯時堂中人已擠滿。不能再容。堂外尙有數千之衆。無法可入。當日由樞機司文公主禮。有二位主教襄禮。樞機登台宣講。本日爲國家祈禱之宗旨。畧云。當今戰禍方盛。各國發起開

祈禱大會者。日有所聞。我等之聯盟國。已有祈禱之禮。我等之敵國。亦有祈禱之舉。莫不懇求天主。速賜歐洲太平。惟我法國政府。若聳聳然。不知有此祈禱之法者。政府有過。小民公衆祈禱。挽回天主教義。各國之勝敗吉凶。悉在天主權衡之下。至少我等祈求天主。使敵人早離我國境土。不致延長戰禍。使我爲國捐軀之義士。不致有冤莫伸。我等又該求主。使法國國家復歸於舊日。公教之法國。講畢。公唱：我爲法國公教人。聖歌。卽繼以聖體降福。○楞司。楞司。主教接待英京倫敦衛斯明德總主教咨文。擬定一千九百十五年一月首主日。行全國公衆祈禱大禮等情。於是楞司總主教將此咨文。通傳法國全境主教。謹於一月初三日。法國與英國等處。皆一律舉行祈求得勝之禮。○十二月十三日主日。法國全國聖堂行公禱之禮。巴黎總主教在聖母大堂。行大禮彌撒。彌撒中特捐助賑被災地方之欸。頗形踴躍。○耶穌會修士嘉祿巴松君。戰事發生後。充海軍校佐。以戰績勳勞。政府酬以名譽騎衛勳章。聞者榮之。○一月一日。法國巴黎致命山聖心大堂。行祈禱聖心大禮。前日夜間。有一千二百人。徹夜在堂祈禱。人民不得入堂者。計有數千人。是日清晨。領袖正司鐸登臺演講。如何宜發倚靠聖心之希望。法國之對於耶穌聖心有種種特別銜名。前許救護法國。以聖心旗爲國旗。許司鐸等有感化頑人之心。今戰場上軍士之冷淡者。大半領受聖事而歿。聖心許家中懸有聖心像者。必得保護。際此四面楚歌之候。更宜擴充敬禮聖像之敬禮。一心倚靠聖心。當今所特別希望者。惟在加倍熱心。多行祈禱補贖等工。挽

回天主教義怒。使聖心十字之大纛旗。仍高懸諸國門之上。整頓風俗。激動人心。使公教純正心思。一一復原。燃灼。成爲超性上文明。達於優點。則余所希望者也。繼而樞機亞梅德公演講。謂本年元旦係首瞻禮六。爲敬禮聖心之日。則本年可稱爲聖心之年也。既爲聖心之年。則必爲祈禱之年。補贖之年。大量祭獻之年也。爲此國民須一心一德。個人、家庭、城池、會社、政府等皆宜注意於倚靠耶穌聖心云。○一從軍司鐸致書於本主教云。目下人大抵親愛我等司鐸。屢次聞軍中人語。我曰。司鐸乎。汝知戰事之結局。爲我國人大有變動乎。今而後。衆人將認明君等爲何如人物矣。今而後。不致再行虐待君等矣。鄙人出征時。意想中所有的一切反對司鐸之心。今已一律冰消瓦解矣。○戰場捐軀之某兵。臨終前致書於其母曰。母親大人膝下。敬稟者。兒將氣絕。以前有一事足慰大人之心者。謹以相告。蓋兒已溫習幼時所誦一遍短經。今日復屢次口誦矣。大人知此喜信。不必罣慮兒之不得死所也。兒死時。悉如大人有同一宗教之思想。媽耶。今而後。從此辭別於世。請大人不必傷心太過。不必多流痛淚。大人欲知兒之死時。有眞教友之思想。不久往天上。竟得我父我兄之所在。同彼等得一安息之所矣。此次兒末次書稟大人。接唇拜別。○又一兵致書於其姑母曰。昔日見汝念經。見汝入堂望彌撒等。姪心中暗爲譏評。大不贊成。今則不然。不敢復譏評汝矣。姪亦自行念經祈禱矣。請汝爲姪祈禱。萬勿忘姪。○江蘇奉賢南橋本堂。司鐸現在軍中爲巡慰軍士司鐸。據巴黎十月二十日來函云。桓司鐸現爲殘傷廢兵之看護。司鐸十

月下旬。發起軍樂隊。預備於十月初二日唱追思大彌撒。(此等樂隊平日惟精跳舞講會諸樂聖教會之禮曲悼亡諸調非其所長故須從事預備)屆日必有一番熱鬧也。桓司鐸每日於傷兵院內。舉行彌撒。聖母升天瞻禮日。曾請受傷諸人同望彌撒。大抵應之。是日望彌撒者甚多。據目下情形。桓司鐸之職。須時至戰場救護傷兵。攜之入巴黎傷兵醫院。此等傷兵。每有半道氣絕而無司鐸陪侍者。故桓司鐸求得此職。以冀多救人靈。數日前一英國耶穌教之牧師。來院看視傷兵。桓司鐸見之。與之交談。且欸以中國茶一杯。此人後將自己巡視病院。及接見耶穌會。桓司鐸之事。登諸巴黎英文日報。有某女士見之。即贈英金一磅。送至桓司鐸處。以示酬報。○英國耶穌會省長。十二月二十日來函云。德國兵艦赴英國海濱。轟擊司加波羅哈及維脫脾二處之事。大激英人之公憤。未轟擊之前。我輩大概不恨德人。惟表面上理應幫助比國。故不得已而出戰也。今則不然。人人憤怒嫉視德國矣。戰事固為天主之罰。然天主借此罰以警醒我人。所得良好結果。甚為滿意。此處英國天主教之司鐸及修女輩。所立善表。實足激發耶穌教人之心。今耶穌會修士為從軍司鐸者。有十六人。然日接來函。尚須遣他人前往。○比利時耶穌會司鐸畢辣君。記比國利熱爾戰地情形。畧云。余新升神品後。即為比國陸軍第九營從軍司鐸。自八月十四起。至今十月三十日止。七十餘日矣。余第九營之兵士。大抵為利愛巨及伯魯塞勒之學生軍。余初次與軍人交談時。知彼等不守教規者頗多。內未領聖洗者亦有其人。今僅有十分之一。尙

未全守教規。今余行彌撒之日。大約十分之七必領聖體。至今惟二人臨終前不肯領受聖事而亡。深爲可惜。其一人別有神經病者也。內有多年不守教規。而今改過者甚衆。此等改過時間。或在交戰時。或在交戰後。或在酣戰之中。譬如某兵受傷過重。四人昇傷兵。請余速助彼料理身後事。彼四人仍回至戰場上。毫不畏懼。兵士中有盡宗徒之職者。實具勇敢與熱心。有非常特出之異表。誠聖人之行爲也。比國從軍之司鐸。大抵授統領之職銜。以示優異。○德國 德國公教之軍士。在戰場上甚有善表。不畏情面。凡遇重傷。卽請司鐸爲之助行聖事。同伴中同爲天主教者。皆一一指出。毫無羞畏隱蔽之態。九月初八日聖母聖誕瞻禮日。十下鐘。正軍官與兵士等排隊到堂。恭領聖體。惟本堂神父。是日早已行祭。未預告德人軍士等頗有怨言。○土耳其 倍魯脫土人於去年十一月。下令驅逐英法傳教士。經教皇與土國政府交涉。遂於二十一日。有意國輪船載司鐸、修士、修女等共二百十二人出險。抵亞歷山埠。其餘房屋公產等。土國政府攬爲國有矣。○美國紐約 紐約華僑於去年耶誕日。開會祝賀。先期由教友將聖堂陳設一新。旗幟招展。燈彩輝煌。並裝有自動人物。尤爲來賓稱羨。屆期有三位華僑領洗。中有吳剛者。曾入裂教十餘年。今來反正。據云。彼在裂教十餘年。未得道味。今始覺有真教之樂云云。是日觀禮者甚衆。晚上七時半開會。中外男女來賓。較之日間尤盛。先由主席胡君心泉。用中英語宣布祝賀理由。並道謝來賓。請衆合念英文天主經畢。隨請本堂佐神父演說。解釋祝賀聖誕理由。並勉勸衆人。

近事 … 外國之部

勿徒爲形式上之慶賀。須有實際上之精神。方不負此紀念。語意新奇。令人解頤。次請本堂主日書館學生。各將平日所研究者。次第演講。(一)衆合唱聖詩。(二)雷禮君以英語演說。(三)西姑娘唱聖歌。(四)袁鰲君演講天文之奇妙偉大。非有天主誰能創造。(五)李照君演講地理政治。人民之比較。須有天主教。方能富強。(六)伍滿君演講聖經爲人生之必要。(七)吳德魁君演講物理學之精微。歸原於天主之化功。(八)吳就君演講天下教門之宗旨。歷史。人數。引據精詳。以證天主教是真宗教。(九)音樂。(胡寶貞女童)。(十)吳沾君演講中國歷史。引證政治之不良。皆由無真宗教之故。(十一)雷厚君演講哲學。力闢達爾文猴變人。及化生等種種謬語。並譏諷達氏語極有趣。全場絕倒。(十二)美人白理君演說。畧謂今晚承胡先生相邀。得與斯會。欣幸無比。又謂華人性質甚好。惜尙有多數被異端所惑。望此後聖教大行於中國。得天主降福云云。(十三)衆合念英文聖母經。(十四)衆合唱聖詩。(十五)佐神父降福。(十六)茶會。每次演說畢。鼓掌如雷。招待員插花於來賓衣襟。並各贈中國旗一柄。如儀而散。時鐘唱十二响矣。

文苑 讀論語自古皆有死有感率成四律 川沙莊松樓遺稿

乾坤清濁較然分。升降根原立見真。萬國功名皆是夢。一身德義便如神。世間豈有長生地。天上從無不善人。安用機謀求富貴。僅貪白首謝紅塵。

父母夫妻屬至親。暫時聚首究非真。誰家不讀三年禮。幾箇相隨百歲人。代謝往來俱似客。分離

作。合。偶。同。倫。其。惟。孝。敬。能。思。永。自。古。謨。傳。慎。厥。身。
閱。歷。年。年。迭。變。更。蟬。蛸。頓。悟。世。間。情。山。林。多。少。英。雄。墓。第。宅。留。傳。富。貴。名。少。壯。幾。何。無。奈。老。聰。明。
誤。用。亦。虛。生。反。躬。幸。有。今。吾。在。起。舞。晨。雞。第。一。聲。
浮。生。虛。偽。盍。歸。真。試。望。新。墳。草。有。春。我。哭。良。朋。朋。哭。我。人。欺。斯。世。世。欺。人。不。知。性。命。晞。如。露。每。爲。
紛。華。累。此。身。舟。客。總。思。家。在。岸。那。堪。慾。海。自。沉。淪。

又四絕

爲。子。而。今。爲。父。師。漸。看。黑。髮。白。成。絲。不。知。還。有。許。多。壽。遑。問。功。名。早。與。遲。
莫。云。前。輩。幾。人。亡。等。輩。年。來。亦。有。喪。聽。罷。東。鄰。接。婦。哭。西。鄰。兒。女。又。悲。傷。
不。問。老。成。年。少。人。不。分。富。貴。與。貧。民。一。朝。終。有。長。離。別。萬。事。都。須。付。幻。塵。
人。生。振。古。盡。如。斯。我。亦。何。能。免。此。時。只。恐。此。身。時。一。到。臨。終。片。刻。不。能。遲。

又二律

功。名。本。是。水。漂。漚。財。貨。原。同。蜃。映。樓。堪。歎。人。爭。吞。此。餌。更。憐。我。亦。上。斯。鈎。若。能。看。得。津。迷。破。方。可。
歸。從。正。道。遊。日。日。存。心。思。四。末。時。時。操。劍。斬。三。仇。
居。貧。無。諂。自。生。樂。處。富。靡。驕。及。濟。周。逆。事。頻。攻。頻。忍。受。謗。言。屢。辱。屢。容。留。深。研。動。靜。純。全。了。細。究。
行。爲。確。當。不。若。肯。兢兢。勤。謹。戒。何。愁。永。福。不。相。酬。

專件

廣東香山欖鎮公教進行會支部簡章

一百三十八

專件

廣東香山欖鎮公教進行會支部簡章

第一條 定名

聯合石岐斗門潭州黃圃教友。由本堂司鐸組織成之。故定名曰廣東香山欖鎮公教進行會支部。

第二條 宗旨

專為啟發聖教中人。結合團體。俾廣揚聖教。敬愛宗座。以堅固教友信德。免被邪說誘惑。免被外力侵逼。且為增進純全道德。以維風俗而助國家。（悉照中華公教進行會簡章）

第三條 會所

暫以欖鎮天主堂為支部機關。又在各處天主堂內設一分會事務所。由主教所派定之本堂司鐸為監長。

第四條 監督

凡我教友。能恪守教規者。年滿十五歲以上。得本支部多數會員之介紹。并監長允准。方可入會。（女子暫無入會之權）

第五條 資格

（一）凡會員二十五歲以上。始有被選舉權。（二）本支部職員。暫皆盡義務。因公來往。得酌支川資。（三）本支部會長。以二年為任期。任滿再得以連任。

第六條 職員

（甲）正會長一員。幫助監長。管理會中事務。

（乙）副會長一員。協理本支部一切事件。於會長缺席時。得代行其職務。

（丙）評議員十二員。評議本支部應與應革事宜。及會員提議事件。正副議長

第七條 職權

判決。然後簽字。呈監長准定。然後宣布進行。

(丁) 幹事員四員。辦理調查招待及交通等事。

(戊) 文牘一員。辦理文牘。掌管冊籍及報告等事。

(己) 會計一員。經理收支及預算決算等事。(會計章程另訂)

(庚) 宣講課若干員。隨時酌定。專司對於教友兒童不明白道理者。講解問答。

對於教外朋友。宣講宗教道理。以感動其信仰之心。同沾天主真光。

(辛) 編輯課。如印刷事。教育課。如興學事。慈善課。如救濟及勸捐事。以上三課。陸續進行。

第八條 經費

每人入會時。捐常年經費洋一元。以後逐年照繳五毛。如有慈善熱心公益者。特別慨捐。無論多寡。本會格外歡迎。

第九條 會議

本支部會期。分大會。臨時會。常會。三種。(一) 大會。每年在聖誕瞻禮前後一次。開全體大會。並選舉職員。由司鐸主席報告。(二) 臨時會。遇有特別事項。經多數會員之請求。由會長召集職員。設臨時會。(三) 常會。即職員會。每季或每月之首主日開會。(四) 議事。惟監督。正副議長。評議員。書記長。得以入席。其餘各部職員。如有關係之事。得會長允許。亦可入席。凡通常會員。如有請願之事。由

專件

… 廣東香山欖鎮公教進行會支部簡章

職員介紹。得會長允許。亦可入席。凡所議事件。須憑公理。不能固執己見。不能互相衝突。(五)每月談話會一次。會員非會員。皆得入席。

第十條 會約 本支部職員。均不得以個人行為。冒用本支部名義。凡有違背本支部宗旨及會約者。經勸三次不改。則宣佈除名。免玷全體。另繳回証據。

第十一條 附則 本會為教友冤抑事。可設法辯護。或為地方政事。當竭力提倡。

本會如其辦有成效。當與本省公教進行會交通聯絡。否則即監長有調動。而本會但可改良。不可解散。以保恒德。

本支部簡章。如有應行增改之處。均公決行之。

小說

碧血夢續

伊人

五

駝子前導。碧血從其後。二人忽忽而去。至廣路十九號。一餐館在焉。上揭紅旗。一臨風招。颯有字。曰。國民餐館。

碧血方及門。陡覺奇臭刺鼻。狀甚骯髒。

謂駝子曰。此即果腹處否？

曰。然。無論何人。食同等之物。限五十生丁。(半法郎)之價。

碧血曰：假令食至一法，耶如何？

曰：是違法也。捉將官裡去，余不嘗爲爾言物物悉國家專利乎？何健忘乃爾！

時黑人以菜單上。

碧血曰：刀乎？叉乎？

曰：無。

曰：盆乎？

曰：無需。

碧血又曰：然則酒乎？

曰：有沙瀝清水在。

碧血又謂駝子曰：我等食猪肉乎？抑牛羊肉乎？

駝子曰：國民肉無矣！有農事乃可養牲，養牲然後有肉。爾不知五十年來無務農者，亦無牧畜者。地赤不毛，山童如洗，天然之草木已不生，何來人養之牲畜！

碧血曰：然則茶蔬如何？

曰：更無矣。不種不溉，茶何從得！

碧血平日夙嗜鷄卵、芋、芳、煮嫩牛肉，及陳紅酒等等。聞駝子言，懊喪不已。

曰。然。則。食。何。物。乎？

曰。爾。不。知。乎。現。食。化。學。之。物。矣。爾。以。五。十。生。丁。代。價。應。得。淡。氣。丸。及。高。辣。粉。

碧。血。曰。請。試。嘗。之。

原。來。此。淡。氣。丸。狀。如。芥。子。悉。由。礦。物。中。提。出。人。食。之。不。飢。亦。不。死。外。用。銀。色。紙。包。裹。者。二。人。遂。於。三。分。時。間。食。畢。此。物。黑。人。持。空。匣。而。去。

駝。子。曰。飽。矣！

碧。血。曰。咖。啡。乎？

曰。無。矣！

然。則。燒。酒。乎？

曰。有。此。國。家。立。國。之。根。柢。悉。由。政。府。專。賣。者。我。二。人。同。行。可。也。

六

碧。血。從。駝。子。進。邇。而。前。至。國。民。路。二。十。號。則。酒。家。至。矣。中。有。無。數。人。開。懷。狂。飲。醉。態。醺。然。

駝。子。曰。此。間。國。家。定。例。燒。酒。一。大。杯。祇。准。售。二。十。生。丁。每。一。利。脫。爾。約。一。大。瓶。國。家。須。賠。本。二。法。郎。其。實。名。為。賠。本。實。乃。賺。錢。現。在。國。內。之。人。患。酒。病。者。居。大。半。蓋。與。其。食。化。學。之。物。毋。稱。飲。此。惡。酒。為。易。於。下。咽。也。

碧血此時腹中已餓口中又乾枯甚急向當鑪者索酒詎知畧嘗少許不覺縐眉霎時枯腸鹿鹿疼痛不堪
遂謂駝子曰噫噫！此乃高捏克耳
駝子曰否是亦化學所釀成汝非個中人所以爾爾！習慣自不覺矣

七

碧血腹痛至二小時始已
即謂駝子曰我與爾散步去領畧此間風景
兩人乃聯步同行且行且語

碧血曰我觀爾等之村莊殊不滿意！
駝子曰此通國皆然

未完

更正 ○上期本雜誌所登方濟各第三等會源流考畧第九頁之十五行十三字當應改為次十二頁一行二十六字訊應改為譏五行廿二字癩應改癩七行廿五字流應改統十三頁四行第三十字矣下脫去括弧十四頁十四行三十六字少應改或字十五頁 *Chole* 當作 *Cholio*

中外大事表

(凡事發生之日以載於各報者為憑)

一月廿一日日本駐京公使日置氏親向大總統提出要求——帥代之
條件二十餘款○奧軍統帥菲斯查去職以里哇德曼元——廿二日政府規定簡章亂黨自首須本人自到郵寄無效

小說 ... 碧血夢續

中外大事表

廿三日贛西鎮守使劉槐森辭職以洪自成繼之 鐵嶺決
定收為國有唯已請照者仍舊○德國陸軍大臣福爾根
海免官陞為步軍大將實授參謀總長遺缺以郝漢邦中
尉繼之
廿四日大總統飭令教育部於小學課程中加入論孟多
倫諸爾兵變之說不確○法政府任命海軍大臣波杜君
為交趾支那總督
廿五日教育部呈請以林鐸光錢稻孫許丹楊天驥為視學
大總統准之○德國艦隊與英艦隊戰於北海敗績沉沒
巡洋艦白羅乞號一艘 葡萄牙內閣辭職
廿六日新任駐京德使辛慈覲見大總統呈遞國書 參政
程樹德呈請停辦小學恢復科舉制度○日本陸軍大將
大久保春野男爵逝世
廿七日給子日人太倉喜八郎以二等嘉禾章○暹羅王之
弟某親王及其妃抵東京
廿八日哈密回王到北京 北京各團體以日本無理要求大
為憤怒已預備抵制○日皇親宴青島凱旋各將校於芝
離宮
廿九日哈克圖會議大致已定蒙古自稱呼圖克圖汗對於
中國稱中華民國大總統○摩洛哥並無亂事安靜如常
三十日以陸徵祥聯芳寶熙郭曾忻熊希齡李盛鐸張鎮芳
宋卜廉姚錫光周學熙李家駒嚴修為中卿梁啟超趙惟
熙樊增祥劉若曾李國杰施愚楊度孫毓筠陳鈺李開沅
曹汝霖熙彥榮勳沈銘昌張弧張壽齡為少卿 李經羲
辭職以孫寶琦為審計院長 以陸徵祥為外交總長
以李兆珍為參政院參政
三十一日給子義國御前大臣公爵達斯哥黎三等嘉禾章
追贈趙秉鈞上卿宋教仁沈秉堃中卿 命沈金鑑會
辦京兆區域經界事宜○土軍又在波斯大敗

二月一日常德自關商埠政府已派人籌辦
九省將軍馮國璋段芝貴等致電政府請力拒日本之要
求
四日大總統連日點練模範團兵 山東嶧縣煤礦失火焚
斃工人七百餘名○法人與安南革命黨戰於安拜革黨
敗退
五日進部軍將解散○駐土希噶公使因土警察毆辱使署
海軍隨員邦交決裂起程回國
十日陰曆元旦總統親筆書候補總統三人藏於純一齋
全廣將二輪分送國務卿及參政院院長掌管之
十四日特授趙爾勳二位田中玉勳五位 以孟憲彝為吉
林巡按使 命倪嗣冲督辦皖北工賑事宜 裁撤山東
交涉使由濟南道兼任
十五日海外華人投書自辨決不效法吳三桂及朝鮮東學
黨借外力以覆宗國 孫毓筠王揖唐主張解散政黨先
行宣告脫黨
十七日江蘇前民政長應德閔因八釐公債案在京質訊蘇
紳唐文治及皖巡按使韓國鈞先後電請保全○新加坡
之印度兵忽然謀變由日法海軍陸戰隊上岸討平之
十八日大總統所推存之候補總統聞為黎元洪徐世昌段
祺瑞三人 中日交涉日本僅向各國宣布十一條○意
國議院開議意民主張宣戰聚眾擬攻擊奧使署由軍警
驅散之
十九日外部對日要求連日會議尙無定見
二十日任命陳宦會辦四川軍務以唐在禮暫兼參謀次長
山西垣曲縣兵變
江南主教姚 准